

Komisija za izbor i imenovanja i  
administrativna pitanja


Broj: 01-05- 29474-3/17  
Sarajevo, 04.10.2017. godine

POSLANICIMA/ZASTUPNICIMA  
U SKUPŠTINI KANTONA SARAJEVO

PREDMET: Prijedlog odluke na razmatranje i donošenje-dostavlja se

Komisija za izbor i imenovanja i administrativna pitanja Skupštine Kantona Sarajevo, na sjednici održanoj dana 04.10.2017. godine, u skladu sa odredbama člana 37. Poslovnika Skupštine Kantona Sarajevo, utvrdila je Prijedlog odluke o razrješenju dužnosti zamjenika pravobranioca Pravobranilaštva Kantona Sarajevo, koje Vam sa obrazloženjem i dokumentacijom dostavljamo na razmatranje i donošenje.

S poštovanjem,



PREDSJEDAVAJUĆI KOMISIJE

*Kemal Ademović*  
Kemal Ademović, dipl. pravnik





Na osnovu člana 21. a u vezi sa članom 27. Zakona o pravobranilaštvu („Službene novine Kantona Sarajevo“- Novi prečišćeni tekst broj: 33/08, 7/12 i 44/16), Skupština Kantona Sarajevo na sjednici održanoj dana \_\_\_\_\_ 2017. godine, donijela je

PRIJEDLOG

ODLUKU  
o razrješenju dužnosti zamjenika pravobranioca  
Pravobranilaštva Kantona Sarajevo

I

Mensura Mostarac, razrješava se dužnosti zamjenika pravobranioca Pravobranilaštva Kantona Sarajevo, radi odlaska u penziju.

II

Mensuri Mostarac vršenje službe prestaje 05.11.2017.godine.

III

Ova odluka stupa na snagu danom donošenja, a objavit će se u „Službenim novinama Kantona Sarajevo“.

Broj:  
Dana:  
S A R A J E V O

PREDSJEDATELJICA  
SKUPŠTINE KANTONA SARAJEVO

Prof. Ana Babić





## O B R A Z L O Ž E N J E

### PRAVNI OSNOV

Članom 21. Zakona o pravobranilaštvu – novi prečišćeni tekst ("Službene novine Kantona Sarajevo", broj 33/08, 7/12 i 44/16) je utvrđeno da zamjenika pravobranioca imenuje, smjenjuje i razrješava Skupština Kantona, dok je članom 27. propisano da zamjeniku pravobranioca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

### RAZLOZI ZA DONOŠENJE

Pravobranilaštvo Kantona Sarajevo je podnijelo zahtjev za razrješenje Mostarac Mensure sa funkcije zamjenika pravobranioca budući da imenovana dana 5.11.2017.godine puni 65 godina starosti, čime stiže uslove za penzionisanje, a na osnovu člana 27. Zakona o pravobranilaštvu i člana 52. Zakona o državnoj službi.



web: <http://skupstina.ks.gov.ba>

e-mail: [sks@ks.gov.ba](mailto:sks@ks.gov.ba)

Tel: + 387 (0) 33 562-055, Fax: + 387 (0) 33 562-210  
Sarajevo, Reisa Džemaludina Čauševića 1






**KANTON SARAJEVO**  
*Pravobranilaštvo Kantona Sarajevo*

**CANTON SARAJEVO**  
*Public Defender's Office of Sarajevo Canton*

~~P/B~~ 2017  
Sarajevo, 11.9.2017

Bosna i Hercegovina  
Federacija Bosne i Hercegovine  
Kanton Sarajevo  
SKUPŠTINA KANTONA SARAJEVO  
putem  
Komisije za izbor i imenovanje




Zamjenik Pravobranioca Prvobranilaštva Kantona Sarajevo koja od 7.4.2005 obnaša funkciju zamjenika Pravobranica dana 5.11.2017 puni 65 godina starosti, čime stiče uslova za penzionisanje shodno zakonskim propisima odredbi člana 27 Zakona o Prvobranilaštvu Kantona Sarajevo i člana 52 Zakona o državnoj službi.

Stoga se podnosi zahtjev za razrješenje Mostarc Mense sa funkcije zamjenik Pravobranioca koju obnaša sa danom 5.11.2017, a u prilogu se dostavlja lični zahtjev imenovane za razrješenje



Prilog: zahtjev imenovane  
Rodni list  
Uvjerenje Pravobranilaštva od 8.9.2017.





Mostarc Mensura  
Sarajevo

PRAVOBRANILAŠTVO KANTONA SARAJEVO  
PARVOBRANIOCU

Predmet: Zahtjev za razrješenje zbog penzionisanja

U Prvobranilaštu Kantona Sarajevo obnašam funkciju zamjenika Pravobranioca.  
Rođena sam 5.11.1952 godine pa dana 5.11.2107 godine punim 65 godina starosti  
života kao jedan od uslova za prestanak radnog odnosa zbog penzionisanja.

Prema članu 27 Zakona o Pravobranilaštvu ( Sl novine KS br 7/12 prečišćeni tekst, 44/16) zamjeniku Prvobranioca prestaje služba kad ispuni uslove za prestanak radnog odnosa po Zakonu o državnoj službi , a ovaj Zakon ( Sl novine KS 31/16 ) članom 52 predviđa prestanak radnog odnosa ispunjenjem zakonski godina života , odnosno 40 g penzijskog staža , član 94 Zakona o radu (Sl novine FBIH 26/16) predviđa da ugovor o radu prestaje navršenjem 65 godina života ukoliko se poslodavac i zaposlenik drugačije ne dogovore, odnosno kad prema evidenciji se utvrdi da radni odnos traje 40 godina ako se poslodavac i zaposlenik drugačije ne dogovore.

Stoga se obraćam sa zahtjevom da se Pravobranilaštvo obrati Skupštini Kantona Sarajevo putem Komisije za izbor i imenovanje kako bi me Skupština razrješila sa funkcije zamjenika Pravobranioca zbog penzionisanja ..

Prilog: Uvjerenje Pravobranilaštva KS  
Izvod iz matične knjige rođenih

Mostarc Mensura

Sarajevo, 08.09.2017

Bosna i Hercegovina  
Federacija Bosne i Hercegovine



Bosnia and Herzegovina  
Federation of Bosnia and Herzegovina

**KANTON SARAJEVO**  
*Pravobranilaštvo Kantona Sarajevo*

**CANTON SARAJEVO**  
*Public Defender's Office of Sarajevo Canton*

Broj: PK:77/2017  
Sarajevo, 8.09.2017. godine

Na osnov člana 169. Zakona o upravnom postupku ("Službene novine F BiH, " broj. 2/98 i 48/99) i uvida u personalni dosije Mensure Mostarac, te uvida u radnu knjižicu imenovane, serijski broj: I 106520, registarski broj 422 Općina Foča, a na zahtjev Mensure Mostarac, izdaje se

### U V J E R E N J E

Mensura (Fejzo) Mostarac imenovana je dana 7.4..2005.god.za zamjenika pravobranioca Pravobranilaštva Kantona Sarajevo, gdje se i sada nalazi i ima ukupno 39.godina 2.mjesecA i 5.dana radnog staža.

Ovo uvjerenje ima značaj javne isprave u smislu člana 169. stav 3.Zakona o upravnom postupku, a služi u svrhu predaje zahtjeva zbog penzonisanja, dok se u druge svrhre ne može koristiti.



Samira Zuban za opće poslove

Samira Zuban

*Samira Zuban*

mišljenje u vezi sa zaključivanjem ugovora imovinsko-pravne prirode (u daljnjem tekstu: mišljenje).

Organi i pravna lica iz prethodnog stava dužni su pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno ili trajno korištenje stvari uz naknadu ili bez naknade, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaze stvarima, odnosno materijalnim pravima.

Kada je predmet ugovora iz stava 2. ovog člana pokretna stvar ili imovinsko pravo čija vrijednost ne prelazi 10.000 KM na dan utvrđivanja vrijednosti, nije obavezno pribavljanje pravnog mišljenja Pravobranilaštva.

Pravobranilaštvo mišljenje iz st. 1. i 2. ovog člana daje najkasnije u roku od 15 dana od dana prijema zahtjeva i potrebne dokumentacije, a u naročito složenim slučajevima u roku od 30 dana.

#### Član 16.

Pravobranilaštvo daje Skupštini Kantona i organima Kantona, na njihov zahtjev, pravno mišljenje o imovinsko- pravnim ugovorima koje namjeravaju da zaključe sa stranim pravnim i fizičkim licima, kao i o drugim imovinsko-pravnim odnosima sa tim licima.

#### Član 17.

Organi, fondovi, preduzeća i druga pravna lica iz člana 8. ovog Zakona dužni su zaključeni ugovor imovinsko-pravne prirode dostaviti Pravobranilaštvu, u roku od 15 dana od dana zaključenja ugovora.

Ako Pravobranilaštvo ocijeni da je zaključeni ugovor ništav, podnijet će tužbu za utvrđivanje ništavosti, a u slučaju da ugovorena cijena ne odgovara prometnoj vrijednosti - tužbu za poništenje ugovora ili izmjenu ugovora.

## 2. Organizacija Pravobranilaštva

#### Član 18.

Funkciju Pravobranilaštva vrši kantonalni pravobranilac (u daljnjem tekstu: pravobranilac).

#### Član 19.

Pravobranilac predstavlja Pravobranilaštvo, rukovodi njegovim radom i vrši prava i dužnosti utvrđene kantonalnim zakonom, drugim kantonalnim propisom i općim aktom. Broj zamjenika pravobranioca utvrđuje Vlada na prijedlog ministra pravde Kantona.

#### Član 20.

Zamjenik pravobranioca vrši poslove iz djelokruga Pravobranilaštva koje mu odredi pravobranilac.

U zastupanju pred sudovima i drugim organima zamjenik ima ovlaštenja pravobranioca. Kad je pravobranilac spriječen ili odsutan, zamjenjuje ga zamjenik koga on odredi.

#### Član 21.

Pravobranioca i zamjenika pravobranioca imenuje, smjenjuje i razrješava Skupština Kantona.

## Član 6.

U članu 24. st. 2. i 3. mijenjaju se i glase:  
"Pravobranilac koji ne bude ponovo imenovan, raspoređuje se na mjesto zamjenika pravobranioaca, ukoliko je upražnjeno, a ako nije, raspoređuje se na mjesto državnog službenika u Pravobranilaštvu ili drugom kantonalnom organu u skladu sa svojim stručnim kvalifikacijama.

Rješenje o raspoređivanju pravobranioaca na mjesto zamjenika pravobranioaca donosi Skupština Kantona, a na mjesto državnog službenika Vlada, najkasnije u roku od tri mjeseca od dana prestanka funkcije pravobranioaca."

U stavu 4. riječ "Vlade" zamjenjuje se riječima: "iz prethodnog stava ovog člana".

## Član 7.

Član 27. mijenja se i glasi:

## Član 27.

Pravobranioacu funkcija prestaje istekom perioda za koji je imenovan, podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

Zamjeniku pravobranioaca funkcija prestaje podnošenjem ostavke, smjenjivanjem, kada ispuni uslove za odlazak u penziju propisane zakonom za državne službenike i u slučaju smrti.

U slučajevima iz st. 1. i 2. ovog člana, donosi se odluka o razrješenju."

## Član 8.

U članu 31. stav 3. mijenja se i glasi:  
"Pravobranioacu i zamjeniku pravobranioaca prestaje vršenje službe danom razrješenja zbog podnesene ostavke, a najkasnije u roku od 30 dana od dana podnošenja ostavke."

## Član 9.

U članu 35. stav 1. na kraju stava tačka se zamjenjuje zarezom i dodaju se riječi: "nakon položenog pravosudnog ispita."

## Član 10.

Iza člana 36. dodaju se novi čl. 36a. i 36b., koji glase:

## Član 36a.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati pravobranilački pripravnici pravne struke s ostvarenih 240 ECTS studijskih bodova Bolonjskog sistema studiranja.

Pripravnici se primaju u radni odnos na određeno vrijeme najduže do dvije godine.

Stručno osposobljavanje pripravnika odvija se u skladu sa programom početne obuke utvrđene normativnim aktima Pravobranilaštva, odnosno programom pravosudnog ispita propisanog posebnim propisima, s tim da se, tokom dijela pripravnčkog staža, pripravnici upućuju na praktičan rad u općinske i kantonalne sudove.

## Član 36b.

Radi osposobljavanja za samostalan rad i stručnog obučavanja koje je uslov za polaganje pravosudnog ispita, u Pravobranilaštvu se mogu primati lica pravne struke s ostvarenih 240 ECTS studijskih bodova Bolonjskog sistema studiranja, bez zasnivanja radnog odnosa.

Odredbе ovog zakona koje se odnose na pripravnike, shodno se primjenjuju i na lica koja se stručno osposobljavaju bez zasnivanja radnog odnosa."

## Član 11.

U članu 45. stav 1. iza riječi: "imenuje", veznik "i" zamjenjuje se zarezom, a iza riječi: "smjenjuje" dodaju se riječi: "i razrješava".

## Član 12.

U članu 46. stav 1. iza riječi: "diplomirani pravnik", dodaju se riječi: "ili Bakalareat/Bachelor prava sa ostvarenih 240 ECTS

studijskih bodova Bolonjskog sistema studiranja", a nakon riječi: "tri godine", dodaju se riječi: "nakon položenog pravosudnog ispita".

## Član 13.

Iza člana 57. dodaje se novi član 57a. koji glasi:

## "Član 57a.

U roku od 60 dana od dana stupanja na snagu ovog zakona, Gradsko, odnosno općinsko vijeće uskladit će odluke o osnivanju Gradskog, odnosno općinskog pravobranilaštva sa odredbama ovog Zakona."

## Član 14.

(Stupanje sa snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-31291/16  
26. oktobra 2016. godine  
Sarajevo

Predsjedateljica  
Skupštine Kantona Sarajevo  
Prof. Ana Babić, s. r.

Na osnovu čl. 17. i 21. stav (1) Zakona o visokom obrazovanju ("Službene novine Kantona Sarajevo", broj 42/13 - Prečišćeni tekst i 13/15) i čl. 119. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst), Skupština Kantona Sarajevo, na sjednici održanoj dana 19.10.2016. godine, donijela je

## ODLUKU

O DAVANJU SAGLASNOSTI ZA OSNIVANJE  
ODSJEKA ZA EDUKACIJU I REHABILITACIJU NA  
PEDAGOŠKOM FAKULTETU UNIVERZITETA U  
SARAJEVU

## I

Daje se saglasnost za osnivanje Odsjeka za edukaciju i rehabilitaciju na Pedagoškom fakultetu Univerziteta u Sarajevu, u skladu sa priloženim Elaboratom.

## II

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-30570/16

19. oktobra 2016. godine  
Sarajevo

Predsjedateljica  
Skupštine Kantona Sarajevo  
Prof. Ana Babić, s. r.

## ELABORAT

o opravdanosti osnivanja Odsjeka za edukaciju i  
rehabilitaciju

## Uvod

Obrazovana radna snaga predstavlja suštinski preduvjet ekonomskog razvoja države. Najnaprednije i najbogatije države svijeta imaju najbolje obrazovne sisteme. Pravo na obrazovanje utvrđeno je Ustavom Bosne i Hercegovine. Finansijska sredstva alocirana u obrazovne svrhe nisu dovoljna. Stručno obučavanje predstavlja ključni preduvjet za ekonomski razvoj jedne zemlje i smanjenje stope nezaposlenosti i siromaštva.

Ovim elaboratom se uzeo u obzir veliki značaj raspoloživih kvalificiranih i kompetentnih stručnih kadrova iz oblasti edukacije i rehabilitacije osoba sa teškoćama u razvoju, kako bi se povećao broj kvalificiranih kadrova specifičnih za educiranje i rehabilitaciju, kao i njihovo uključivanje u aktuelnu reformu visokoškolskog sistema obrazovanja.

Osnivanje Odsjeka za edukaciju i rehabilitaciju na Pedagoškom fakultetu Univerziteta u Sarajevu dalje polazi od premise da visoki kvalitet u ovoj oblasti može da se realizira visokokvalitetnim obrazovanjem i usavršavanjem stručnih kadrova na svim nivoima. Visoki kvalitet obrazovanja i usavršavanja postiže se veoma dalekosežnim integriranjem formalnih i neformalnih kvalifikacionih mjera potrebnih za



## Član 51.

(Stručno obrazovanje i usavršavanje)

- (1) Državni službenici su obavezni da neprestano rade na svom stručnom usavršavanju i osposobljavanju.
- (2) Državni službenik ima pravo i obavezu da učestvuje na organizovanim savjetovanjima i drugim oblicima obrazovnih aktivnosti.
- (3) O učestvovanju državnih službenika na savjetovanjima i drugim oblicima stručnog usavršavanja i osposobljavanja odlučuje rukovodilac organa državne službe, vodeći pri tome računa o podjednakom učestvovanju svih državnih službenika.
- (4) Vlada svojim aktom, na usaglašen prijedlog Ministarstva pravde i Agencije, uređuje oblike obaveznog godišnjeg stručnog usavršavanja i osposobljavanja državnih službenika, određuje način realizacije te obuke, kriterije za izvodače obuke, način finansiranja i druga pitanja koja se odnose na organizaciju i sprovođenje obuke.

## POGLAVLJE VII - PRESTANAK RADNOG ODNOSA

## Član 52.

(Prestanak radnog odnosa državnog službenika)

Državnom službeniku prestaje radni odnos u organu državne službe u sljedećim slučajevima:

- a) dobrovoljnog istupanja iz državne službe;
- b) ispunjavanja zakonskih godina života za penzionisanje, odnosno navršavanjem 40 godina staža osiguranja;
- c) gubitka državljanstva Bosne i Hercegovine;
- d) sticanja državljanstva druge države suprotno Ustavu i zakonu Bosne i Hercegovine;
- e) prekobrojnosti;
- f) odbijanja polaganja zakletve vjernosti i/ili potpisivanja teksta zakletve vjernosti;
- g) nezadovoljavajućeg probnog perioda;
- h) dvije uzastopno negativne ocjene rada;
- i) izrečene disciplinske mjere prestanka radnog odnosa u državnoj službi;
- j) predaje dokumenata ili izjava tokom postupka podnošenja prijave za prijem u državnu službu, za koje se kasnije utvrdi da su lažni;
- k) i u drugim slučajevima utvrđenim Zakonom o radu i drugim zakonima.

## Član 53.

(Postupak za prestanak radnog odnosa)

- (1) Državnog službenika razrješava rukovodilac organa državne službe.
- (2) Državni službenik iz stava (1) ovog člana, može, u roku od 15 dana od dana prijema rješenja o razrješanju, podnijeti žalbu Odboru za žalbe.
- (3) Žalba odlaže izvršenje rješenja o razrješanju, izuzev u slučaju iz člana 52. tačka b) ovog zakona.

## Član 54.

(Otpremnina)

Državni službenik koji izgubi status državnog službenika zbog prekobrojnosti, ostvaruje pravo na otpremninu, u skladu sa zakonom.

## POGLAVLJE VIII - DISCIPLINSKA ODGOVORNOST, KRIVIČNI POSTUPAK, ODGOVORNOST ZA MATERIJALNU ŠTETU I MEDIJACIJA

## Član 55.

(Disciplinska odgovornost)

- (1) Državni službenik odgovara disciplinski za učinjene povrede službene dužnosti utvrđene ovim zakonom, nastale kao rezultat njegove krivice.
- (2) Povrede službene dužnosti mogu biti lake i teške.
- (3) Lake povrede službene dužnosti su:

- a) kašnjenje na posao ili raniji odlazak sa posla, bez odobrenja, mjesečno najviše dva puta;
  - b) napuštanje posla u toku radnog vremena, bez odobrenja nadređenog službenika ili iz neopravdanih razloga;
  - c) neuredno čuvanje spisa, podataka ili druge povjerene dokumentacije;
  - d) neobavješćavanje rukovodioca ili druge odgovorne osobe u organu državne službe o spriječenosti dolaska na posao duže od jednog dana, bez opravdanih razloga;
  - e) nepropisno rukovanje uređajima ili opremom koje službenik koristi u obavljanju dužnosti.
- (4) Teške povrede službene dužnosti su:
    - a) izvršenje radnji koje predstavljaju krivično djelo protiv službene dužnosti ili drugo krivično djelo, odnosno prekršaj, kojim se nanosi šteta ugledu državne službe što čini državnog službenika nepodobnim za rad u državnoj službi;
    - b) odavanje državne i službene tajne;
    - c) zloupotreba i prekoračenja službenih ovlaštenja ili bavljenje poslom u organu državne službe za koje nije ovlašten;
    - d) neizvršavanje ili nesavjesno i nemarno vršenje povjerenih poslova i zadataka;
    - e) takvo ponašanje kojim se onemogućava ili otežava građanima ili drugim licima da ostvaruju svoja prava u postupcima pred organima državne službe;
    - f) bavljenje aktivnostima ili radom koje su nespojive sa dužnostima državnih službenika iz člana 26. ovog zakona;
    - g) prouzrokovanje veće materijalne štete namjerno ili iz krajnje nepažnje;
    - h) kašnjenje na posao ili raniji odlazak sa posla, bez odobrenja, više od dva puta tokom mjeseca;
    - i) neopravdan izostanak s posla dva dana uzastopno ili do pet dana tokom jednog mjeseca;
    - j) kršenje pravila radne discipline u državnoj službi, utvrđenih u Etičkom kodeksu;
    - k) neprimjerno ponašanje prema građanima, saradnicima i drugim osobama u vršenju državne službe;
    - l) učestalo vršenje lakših povreda službene dužnosti.
  - (5) Odgovornost za izvršenje krivičnog djela i prekršaja ne isključuje disciplinsku odgovornost državnog službenika, pod uvjetom da takvo djelo istovremeno predstavlja povredu službene dužnosti.
  - (6) Vlada, na prijedlog Ministarstva pravde, uz učešće sindikata, donosi podzakonski akt kojim se uređuju pravila disciplinskog postupka, sadržaj zahtjeva za pokretanje disciplinskog postupka, rokovi zastare i druga pitanja od značaja za disciplinsku odgovornost državnog službenika.

## Član 56.

(Disciplinske mjere i disciplinske kazne)

- (1) Za počinjene povrede službene dužnosti iz člana 55. ovog zakona, državnom službeniku se mogu izreći sljedeće disciplinske mjere i disciplinske kazne, i to:
  - a) Za lake povrede službene dužnosti izriču se disciplinske mjere:
    - 1) opomena,
    - 2) pismena opomena,
    - 3) umanjeno osnovne plaće državnog službenika do 10% za period do tri mjeseca.
  - b) Za teške povrede službene dužnosti izriču se disciplinske kazne:
    - 1) suspenzija prava učešća na internom oglasu i javnom konkursu za državne službenike u periodu od najviše dvije godine;
    - 2) novčana kazna do 30% od osnovne plaće državnog službenika, za period do šest mjeseci
    - 3) premještanje na niže radno mjesto iz člana 10. ovog zakona;
    - 4) prestanak državne službe.